


ASb
approved



Bi Simu

Ursula Nafula

Marion Drew


Kiswahili



Anaitwa Bi Simu.
Mwangalie!



Ana simu tano.
Akiamka,
anazipanga simu
zake tano juu ya
meza.



Ya manjano ni ya
kuwasiliana na
watu wa familia
yake.



Ile nyeupe ni ya
kuwasiliana na
wenzake kazini.




Bali ile nyekundu ni
ya kuwasiliana na
wale walio na
madeni yake.



Nayo ile ya wardi ni
ya kuwasiliana na
marafiki zake wa
dhati.




Ile ya kizambarau
anaitumia
kuwasiliana na
watu wanaohitaji
msaada wake.



Bi Simu hupenda
watu kufurahi.


Hapendi ugomvi
wala vita.



Huwaalika watoto
kuangalia runinga
katika duka lake.



Huwatembelea
wagonjwa na
wazee katika
nyumba zao.



Kila apitapo, kuna
mayowe ya, “Bi
Simu! Bi Simu!”



Naye hufurahia na kusema, "Mimi ni Bi Simu na hizi simu zangu ziangalieni!"

Huyo ni Bi Simu na simu zake tano.

Bi Simu

Author - Ursula Nafula
Illustration - Marion Drew
Language - Kiswahili
Level - First sentences

© African Storybook Initiative, 2015
Creative Commons: Attribution 4.0
Source www.africanstorybook.org